

BOSNA I HERCEGOVINA
Federacija Bosne i Hercegovine
TUZLANSKI KANTON
JP "Međunarodni aerodrom Tuzla" d.o.o.

Broj: 05/2-45-1209-8/25
Dubrave Gornje, 01.12. 2025. godine

Na osnovu člana 69. stav (1) tačka a) i člana 70. Zakona o javnim nabavkama BiH („Službeni glasnik Bosne i Hercegovine“ broj: 39/14, 59/22 i 50/24), te prijedloga Komisije za provedbu postupka javne nabavke na JP „Međunarodni aerodrom Tuzla“ d.o.o., u ime Uprave Javnog preduzeća Direktor JP „Međunarodni aerodrom Tuzla“ d.o.o., d o n o s i:

O D L U K U

o izboru najpovoljnijeg ponuđača

I

Ponuda ponuđača „MIGROS“ d.o.o. Sarajevo, za ponuđenu cijenu od **35.500,00 KM bez PDV-a** proglašava se najpovoljnijom, te se imenovanom ponuđaču dodjeljuje **Ugovor o nabavci ukrcajnih karti i privjesaka za prtljag** na JP „Međunarodni aerodrom Tuzla“ d.o.o.

II

Ugovorni organ će pozvati izabranog ponuđača radi zaključenja Ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

III

Ugovorni organ će uz ovu odluku obavijestiti sve učesnike postupka nabavke o rezultatima analize pristiglih ponuda u ovom postupku nabavke u skladu sa članom 71. Zakona o javnim nabavkama BiH.

IV

Ova Odluka stupa na snagu danom donošenja, i objavit će se na web-stranici: www.tuzla-airport.ba u skladu sa članom 70. stav (6) Zakona o javnim nabavkama.

O b r a z l o ž e n j e

Odlukom o pokretanju postupka broj: 05/2-45-1209/25 od 06.11.2025.godine, pokrenut je konkurentski zahtjev za nabavku ukrcajnih karti i privjesaka za prtljag, ukupne procijenjene vrijednosti 36.000,00 KM.

Tenderskom dokumentacijom i obavještenjem o nabavci rok za dostavljanje ponuda je bio do 17.11.2025. godine do 09:00 sati, a javno otvaranje pristiglih ponuda izvršeno je istog dana sa početkom u 09:30 sati, a što je sve konstatovano zapisnikom sa otvaranja ponuda broj: 05/2-45-1209-6/25. Zapisnik sa otvaranja ponuda dostavljen je svim ponuđačima u skladu sa zakonskim i podzakonskim aktima.

Komisija imenovana za provođenje predmetnog postupka je dana 18.11.2025. godine pristupila pregledu i ocjeni dostavljenih ponuda. Predmetnom tenderskom dokumentacijom utvrđeni kriterij za dodjelu ugovora je „NAJNIŽA CIJENA“.

Prema zapisniku sa otvaranja ponuda broj: 05/2-45-1209-6/25, Komisija konstatuje da su blagovremeno zaprimljene dvije (2) ponude i to ponude ponuđača:

1. „**MIGROS**“ d.o.o. Sarajevo, čija je ukupna cijena ponude iznosi 35.500,00 KM bez PDV-a
2. „**R&S**“ d.o.o. Sarajevo, čija ukupna cijena ponude iznosi 35.750,00 KM bez PDV-a.

Pregled i ocjena pristiglih ponuda

Komisija je izvršila uvid u ponudu ponuđača „**MIGROS**“ d.o.o. Sarajevo te je utvrdila da ista sadrži uredno popunjene i potpisane obrasce za dostavljanje ponude i obrazac za cijenu ponude. Predmetni ponuđač je u pogledu uslova za kvalifikaciju dostavio popunjenu i ovjerenu izjavu iz člana 45. i člana 52. Zakona o javnim nabavkama.

U pogledu ispunjava uslov za dokazivanje sposobnosti za obavljanje profesionalne djelatnosti, ponuđača je dostavio ovjerenu kopiju aktuelnog izvoda iz sudskog registra kojim dokazuje da je registrovan za obavljanje predmetne djelatnosti.

Komisija je, na osnovu dostavljene dokumentacije i ponuđene cijene, predmetnu ponudu ocijenila prihvatljivom.

U pogledu druge dostavljene ponuda za predmetnu nabavku, uvidom u istu je utvrđeno da je ponuđač „**R&S**“ d.o.o. Sarajevo dostavio obrazac za dostavljanje ponude i obrazac za cijenu ponude koji su uredno popunjeni i potpisani. Takođe dostavljene su ovjerene izjave iz članova 45. i 52. Zakona. U pogledu ispunjavanja uslova iz člana 46. Zakona predmetni ponuđač je dostavio ovjerenu kopiju aktuelnog izvoda iz sudskog registra kojim se dokazuje da je isti registrovan za obavljanje predmetne djelatnosti.

Po okončanju pregleda dostavljene ponude, Komisija je utvrdila da ista ispunjava propisane kriterije i ocijenila je prihvatljivom.

Nakon završenog pregleda pristiglih ponuda u skladu sa tenderskom dokumentacijom u ovom postupku planirano je provođenje e-aukcije koja je zakazana za dan 24.11.2025. godine sa početkom u 11:00 sati.

Nakon završene e-aukcije, konačna rang lista ponuđača je glasila:

1. „**MIGROS**“ d.o.o. Sarajevo - konačna cijena ponude 35.500,00 KM
2. „**R&S**“ d.o.o. Sarajevo - konačna cijena ponude 35.750,00 KM

S obzirom da je kriterij za dodjelu ugovora u predmetnom postupku nabavke bio „*najniža cijena*“ i da je ponuda ponuđača **MIGROS“ d.o.o. Sarajevo** nakon provedene e-aukcije ocijenjena kao takva, Komisija je predložila Ugovornom organu prihvatanje ponude i donošenje odluke o izboru najpovoljnijeg ponuđača shodno članu 70. Zakona o javnim nabavkama.

Na osnovu prijedloga Komisije za provođenje predmetnog postupka javne nabavke, donesena je odluka kao u dispozitivu.

PRAVNA POUKA: Žalba se može izjaviti u roku od 5 (pet) dana od dana prijema ove Odluke. Žalba se izjavljuje ugovornom organu u pisanoj formi direktno ili preporučeno poštanskom pošiljkom.

Dostavljeno:
2 x Ponuđaču
1 x Evidencija
1 x a/a



DIREKTOR
Halilbeć Dževad
Dževad Halilčević